



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA
JUDICIAL

Komunikadu Imprensa

15 Feveiru 2013

Amiasa nu'udar forma violénsia psikolójiku iha Lei Kontra Violénsia Doméstika

Iha 12 Feveiru 2013, Tribunál Distritál Dili julga kazu krime amesa ho natureza violénsia doméstika. Iha julgamentu, Tribunál husu ba lezada no arguidu hodi halo konsiliaun. Depois konsilia tiha entre parte rua, tribunál imediatamente omologa (taka) kazu ne'e.

“Amiasa halo parte nu'udar forma violénsia doméstika ne'ebé defini iha artigu 2 (1) letra c Lei Kontra Violénsia Doméstika ne'ebé defini kona-ba konseitu violénsia doméstika. Tanba ne'e, JSMP enkoraza tribunál atu prosesa krime amiasa hanesan forma ida husi violénsia doméstika” dehan Diretór JSMP Luis de Oliveira Sampaio.

Ministériu Públiku akuza katak, arguidu David Soares hetan kapturasaun husi polísia, tanba prátika krime amesa hasoru nia kónjuje. Arguidu amesa lezada katak “di'ak liu nonook se lae o mate”. Kazu ne'e akontese iha 9 Feveiru 2013 iha Sucu Ulmera, Sub Distritu Bazartete, Distritu Liquisa, iha tuku 2 lorokraik.

Ministériu Públiku akuza arguidu kontra artigu 157 Kódigu Penál kona-ba krime amesa ho pena prizaun tinan 2 ka multa.

Tribunál konfirma katak kazu ne'e ho natureza violénsia doméstika maibé krime amesa la'os krime públiku, tanba artigu ne'e la defini iha Lei Kontra Violénsia Doméstika hodi konsidera hanesan krime públiku. Ne'e signifika katak mezmhu krime amesa nu'udar forma ida husi violénsia doméstika, maibe nafatin konsidera hanesan krime semi públiku, tanbá ne'e tribunál husu ba lezada no arguidu hodi halo konsiliaun.

Kazu ne'e rejista iha tribunál ho Númeru Prosesu 0079/Crime.S/TDDIL. Julgamentu prezide husi Dr. Antoninho Gonçalves, Dr. Oscar Silva Tavares husi Ministériu Públiku no arguidu hetan defeza husi Dr. Fernando Lopes Defensória Públiku.

Atu hetan informasaun kle'an, favor kontaktu:

Luis de Oliveira Sampaio

Director ezekutivu JSMP

Email: luis@jsmp.minihub.org

Landline: +670 3323883 ka +670 7295795

www.jmsp.tl